



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De domino Iacobo Vianensi. XI.

[urn:nbn:de:hbz:466:1-45790](http://urn.nbn.de/hbz:466:1-45790)

quiescere, sed ad hoc vel ad illud officium non esset deducendus; ego mallem eum expellere de domo, quām tale priuilegium ipſi dare. Nam alio tempore, quando eius propria voluntas alio vellet, etiam in illo deberet esse rebellis. Sed non cogitet nisi Christum, in quo velit acquiescere. Fratres, sumus tanquam membra inuicem, & sustineamus nos mutuo. Quod si noluerimus facere, citio peribunt res nostra. Nitamur inuicem tenere charitatem & unionem: & qui quis nitatur conculari quodammodo sub pedibus alterius, & sic nulla aduersitas poterit nocere.

9. Nihil aliud scio, quod dicam vobis, nisi quod Dominus dixit discipulis suis iam ascēsurus, Ut diligatis inuicem, sicut Christus dilexit vos, & oretis pro me. Ego, si venero apud Dominum, faciam quod potero. Et quia saepe male habui, & vos scandalizavi, peto ut mihi ignoscatis: quia fui negligens & multis alijs vitijs implicatus, quæ omnia coram vobis paratus essem confiteri, nisi timerem, quod aliqui vestrum scandalizarentur. His dictis, depositus capitium suum, petens veniam a fratribus de culpis suis, compunctè & valde humiliter & cœpit flere. Quo viso, fratres flexerunt genua, & fleuerunt omnes fortiter & amare. Hæc verba domini Amilii nouissima, pro ædificatione mutuae charitatis & pacis sunt dicta.

VITA

D. IACOBI DE VIANA.

1. Trenuus ac maturus moribus dominus Iacobus de Viana magnam gratiam humilitatis, compunctionis, & intermitatis habuit; saepe suspirans & lachrymans pro quotidianis defectibus suis districtè examinans semetipsum. Etiam illud in se redarguit, quod alius in ipso commendabat, metuens rigidum superni iudicis examen, in omni quod agebat; qui non solum apertas negligentias, sed occultas conscientiæ maculas iudicabit. Longè à corde eius altum sapere de seipso, aut velle reputari pro bono: cui omnibus subesse, & minoribus sicut maioribus obsequi complacerebat. Erat autem egregius scriptor inter scriptores, diligens ad scripturam & librorum custodiam.

2. Quidam iuuenis petiit ab eo informari in spirituali exercitio; qui statim ex humilitate pigrum se fatebatur & miserum, & quod nondum virtutis initium perfectè attigisset; cœpitq; quodam iuniores fratres commendare, quām feruentes & intelligentes essent. Alia vice, idem iuuenis multum contristatus retulit ei angustiam cordis sui, desiderans consolationis verbum audire. Qui benignè eum consolans, hortabatur ad patientiam, & vt

gra-

gratiam Domini humiliter expectaret; quia pius Dominus contritum corde solet adesse, sicut Psalmista dicit: *Secundum multitudinem dolorum meorum in corde meo, consolationes tue latifiscauerunt animam meam*. Quia consolatione suscepta, saepius tam dulcium verborum postmodum recordabatur, cum aliquid triste illi occurseret. Quia cum humana consolatio deficit, ad diuinam recurrentur, & cogitandum, quoniam magni sancti & electi viri etiam grauitates & desolations quandoque habuerunt.

3. Hic igitur cum esset laudabilis vita, & cuperet in infimo gradu & in simplici clericali statu manere; propter virtutes tantae suas & insigne humilitatis donum, de beneplacito Dei & consilio domini Florentij ac fratrum eius, promotus est ad sacerdotium. Quod ei tamen valde graue fuit, ita ut acriter fleret, cum hoc percepisset, quod ordinari deberet. Fatebatur enim se esse nimis indignum ad tales statum, reputans eos grauiter peccasse, qui hoc consilium dedissent, eo quod inidoneum promouere decreuerint. Sed quanto plus se deprimebat, tanto amplius Deo & fratribus placebat, & eo libentius dominus Florentius ipsum promouebat. Eo siquidem tempore, apud deuotos sacerdotium rarum & preciosum. Nam nisi iustus & compulsus pro communi utilitate, nemo hoc acceptare audebat; quia omnes altiorum statum fugiebant, & in humiliori loco & officio minori manere eligabant. Unde dominus Florentius, qui erat gemma sacerdotum, fertur aliquando dixisse: Si non essem sacerdos, nec curam aliorum haberem, tunc possem me perfecte emendare; quia locus superior plures occasiones turbationum habet, à quibus magis liber est bonus subditus, sine cura exteriorum viuens.

4. Quodam tempore, dominus Iacobus volens cogitare de defectibus suis, ascendit secretè solarium domus, & grauiter suspensus, culpas suas in tabula scripsit, ne obliuioni traderetur quod confitendum existimauit. Et cum à quodam interrogaretur de statu domus, ait: Si quis nobiscum habitare desiderat, oportet quod se humiliet, & omnibus minorem se faciat; & talis paradisum hic habet & optimè contentatur. Solebat dominus Florentius interdum ipsum corripere, & ad moderatam compunctionis grauitatem reuocare, ne nimio rigore metam discretionis excederet. At ille patienter ferens correptionem, muletum se humiliauit, quia minus discretè procederet. Feruidus namque spiritus eius, proprias supergressus est vires, sed pia eius intentio cum excusabat, quia Deum finaliter quærebat. Incidit autem post hæc in corporalem ægritudinem: & deficientibus paulatim viribus, ante patrem suum dominum Florentium, in bona confessione vitam finiuit, anno Domini millesimo quadragesimo, in crastino

sancti

Sacerdotij
inaugura-
tio olim
quam fuit
viris pijs.
formidata.
Subiectio-
nis condi-
cio quam
secura.

sancti Gregorij Papæ, quem speciali deuotione dilexit. Sepultus est autem cum fratribus suis, in cœmitorio maioris ecclesie, apud sanctum Lebuinum.

V I T A

IOANNIS CACABI

V V L G O K E T E L ,

Q V I H Y M I L I S C O Q V V S F V I T .

1. Erat quidam humilis seruus Christi in domo domini Florentij, Ioannes Ketel nomine, coquinæ officio deputatus; qui despexit omnibus mundanis, elegit viam sancte paupertatis in terris, ut æternas diuitias cum sanctis possideret in celis. Nam per opera misericordiae & charitatis meruit ingressum perennis felicitatis. Hic dudum optimè mihi notus cum Dauentriæ frequentarem; tam humilem se exhibuit moribus & exemplis, ut contemptum mundi plus factis prædicaret, quam verbis. Nec tamen fuit inanis eius sermo, cum de Deo loqueretur. Quia omnem excellentiam temporalem auditoribus suis persuasit esse spernendam, nec ullum laborem pro Christi amore abhorrendum. Sed quis dignè huius viri loquetur virtutes? Attamen pauca dicere charitas expostulat, ne margarita in agro dominico abscondita diutius lateat, sed pro ædificatione plurimorum ad lucem veniat.

2. Huius natalis ciuitas fuit Duseborch, in comitatu de Marka, non longè à Wesalia, iuxta Rheni fluminis decursum: cuius mater Christina filium subsecuta, diem extremum Dauentriæ clausit in domo sororum. Hic itaque primò negotiator extitit in partibus Flandriæ & Hollandiæ, mansionem statuens cum mercatoribus marinis in Dordraco, sepius tamen habuit inspiracionem bonam ad seruendum Deo, sed nesciebat qualiter inciperet, aut qua via ad hoc tenderet. Cumque seculi rebus aliquamdiu prospèrè usus fuisset, tandem meliori consilio inspiratus, cogitauit mundi fallaciam & grauem eius seruitutem abjecere, ac velle sacerdotio fungi, ut Deo honestius in hoc statu seruiret. Hac igitur occasione postposuit seculi nundinas, & audita fama deuotorum clericorum in Dauentria, venit illuc cum quibusdam boni propositi viris inuisere scholas. Et apprehensa aliquanta notitia in grammatica pro intellectu sacræ Scripture, cum vidisset sanctam conuersationem D. Florentij ac fratrū eius, in alterum mutatus est virum, & ad seculi reuuntiationē acceditur cum multis. Reliquit regulas Alexandri & Donati, & intravit scholā celestis exercitiij, ut disceret voluntatem Dei in domo D. Florentij;

vbi